



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opera S. Matris Teresae De Iesu Carmelitarum Discalceatorum et Discalceatarum Fundatricis

In duas partes distincta

Continens I. Viam Perfectionis. II. Castellum Animæ siue septem
Mansiones. III. Exclamationes, vel Meditationes animæ ad Deum suum ...

Teresa <de Jesús>

Coloniæ Agrippinæ, Anno M.DC.XXVII.

Ad Lectorem.

urn:nbn:de:hbz:466:1-37994



AD LECTOREM.

Quemadmodum nullus nisi fortassis insensatus & animalis homo ambigere potest, num sapientissimus ille Salomō Spiritus Sancti afflatu, Cantici Canticorum author extiterit; quandoquidem ea omnia, quæ in hoc Cantico comprehenduntur *Spiritus & Vita sint*: Ita nullū, in dubium reuocare posse arbitror, quin Sanctissima Mater nostra Teresia à IESV Spiritus sancti organum Speciale simul & ineffabile in eius Cantici explanatione extiterit; quippe *uius est hic sermo Dei & efficax & penetrabilior omni gladio ancipiti, & pertingens ad diuisionem animæ ac spiritus, compagum quoque ac medullarum & discretor cogitationum & intentionum cordis.*

Enimuero cum Cantici Canticorum liber plærisque metaphoris & similitudinibus scateat, adeo sanctissima mater nostra in hac sua explanatione, non quidem humanæ sapientiæ verbis, sed digito Dei, litteræ corticem detrahit, ne occidat: Vt spiritus qui intus latet nobilissimè exprimatur. Cū enim iuxta Sanctorum Patrum definitionem in hoc sacro Epithalamio exarando primario & per se intenderit Salomon, vt prophetice diuinos enunciaret amores, diuinas & nuptias: adeo in hoc Cantici Canticorum explanatione exprimuntur amores illi diuini & cælestes cum Creatura rationali, vt merito possit dicere hæc Sancta, manus mea calamus scribæ amorosè scribentis.

At nos infelices ad quos hoc Vnicum Cantici Canticorum fragmentum & non totalis explanatio potuit pertingere: cum enim nostra Sanctissima mater hoc Canticum integrè & ex toto explanasset, vt nonnullis, quibus (quemadmodum ait ipsa:) parere debebat, obtemperaret; quidam eius Confessarius, minus discretus & sapiens, probatissima eius Obedientiæ experimentum facere secum ipse statuit. Hanc itaque nactus occasionem mandat vt sanctissima mater di-

S.
Theresi

Opera

IV VII
104

AD LECTOREM.

ter diuina illa Cantici Canticorum commentaria disceperet; illa, cui melior erat obedientia quam Victimæ, dicto citius obtemperat, scripta discepit & in millenas quasque partes dilacerat: Tanti ponderis in illa fuit obedientie Virtus, ut ubi suum vindicare locum potuisset prudentie humane ratio resistendo, ibi reduxerit cedendo diuinæ obedientie perfectio.

Quapropter cum adeo prænobili & eximio opere paruaremur: diuina factum est prouidentia, ut nonnullæ sacre ordinis nostri Religiosæ, paucas compererint cartulas præfixæ S. Matris nostræ ex quibus hoc vnicum fragmentum excerpere potuimus, & in ordinem redigere: ne saltem primis labris prælibare non concederetur, quod penitus calare negabatur.

Itaque, Beneuole lector, sicut ex vnico lineæ tractu Apollis opus diiudicari facile potuit, ita ex hoc vnico fragmento Dei opus in Theresia agnosce; quod facile continget si sancti mentis oculo hæc perlegeris. Vale.

